

di soto. E di le zoie havia Agustin Gixi nulla disse; le qual è restate in man dil Gradenigo suo successor fin si confermi certi capitoli essi Gixi voleno. Et compito, sier Andrea Mudazo vicedoxe lo laudoe justa il solito; et dito orator tornò a sentar Consier.

Fu posto, per li Savii dil Consejo, Terra ferma et Ordeni, excepto sier Andrea Griti procurator savio dil Consejo, atento le nove abute di la validissima armata dil Signor turco, qual era per ussir di Streto etc., et è ben a proposito de invalidar il numero di le galie terminate fin qui di armar, ch'è numero . . . , se ne armi altre 14, zoè 4 in questa cità nostra, 4 in Candia et quella isola, et altre 6 in quelli lochi e dove parerà al Colegio. *Item*, che il nobel homo sier Andrea Griti procurator, electo capitano zeneral, debbi andar volendo armar a tuor la sua galia in l'Arsenal.

329* Andò poi in renga dito sier Andrea Griti procurator, dicendo non aver voluto esser nominato in la parte, perchè tratandosi de lui non era honesto se impazasse; e che quanto ad andar Capitano zeneral era prontissimo et in ordine di partirsi, comemorando molte operation sue fate in diversi tempi, *maxime* in questa guerra, non stimando pericolo; e si ben è stato prexon in Franza non stima niente, perchè 'l suo desiderio è di morir a beneficio di questo Excellentissimo Stado, come dia far cadaun bon citadin et amator di la patria; ma pur da bon servitor diria quanto li ocoreva in questa materia, qual lui non era di opinion si facesse tanta armata fino non se intedese altro, perche si questa armada va a Rodi.

330 Andò poi in renga sier Marin Morexini, fo Avogador, qual è di Pregadi, et parlò su la parte, biasmando far tanta armata per non iritar el Signor turcho

Li rispose sier Pandolfo Morexini savio a Terra ferma, in favor di la parte, dicendo è uno capitolo con il Signor turco, in li capitoli, che ogni volta che 'l fazi armada *etiam* la Signoria possi far armada per conservation di so' luogi, dicendo si vol monstrar a li potentati christiani aver forze, volendo *etiam* loro ajutino, perchè noi soli non potremo resister contro la potentia dil Turco; con altre parole etc.

Poi parlò sier Marco Orio, fo ducha in Candia, perchè in la parte si meteva mandar in Candia ducati 400 per armar le 4 galie sono de li, perchè al

suo tempo restò danari etc., et li fo montrato ditti danari fo di ordine dil Consejo di X fato biscoti; siehè, disse, non sapeva. Laudò l'armar, et si atendesse a trovar zurme e dar li fameglii di barcha, perchè *agitur de summa rerum* etc.

Poi andò in renga sier Vettor Michiel, è Provedador sora l'armar, dicendo l'armada vegnerà in Golfo a' danni nostri; non è credibile tanta armada fazi per Rodi; et parlò sopra l'armar di le galie, dicendo tien el vegneria in Golpho

Andò la parte, et fu presa: ave 14 di no, il resto di la parte.

Fu posto, per li Savii tutti, la commission a sier Sebastian Justinian el cavalier, qual è zà partito con barca di peota et andato in Cao d'Istria per montar su la galia armata de li, et insieme con la galia si arma a Veia vadi Provedador zeneral in Candia, commessoli quanto dia operar zonto sarà de li a conservation di quella ixola; et in caso vedesse bisogno che l'armata turesca volesse aporpinquarsi a ditta terra di Candia e volesse il porto, in quel caso debbi con tutte le provision li parerà obstarli, essendo *cum* quello rezimento zentilhomeni e fidelissimi feudatarii nostri; con altre clausule, *ut in parte*, et fu presa. Ave

Fu posto, per li Consieri, concieder a l'arziprete e compagni di la congregation di Santa Maria *Mater Domini* di vender a la Scuola di Santa Maria Mazor 3 case e uno terren contiguo in San Nicolò di Mendicoli con evidente utilità cognosuta da li giudici dati per il Legato e li danari investirli: 88, 23, 2.

Fu preso, per li Consieri, Cai et Savii, che Antonio Dazeta patron dil bregantin venuto di Candia con letere di 9 di l'armata turesca, li sia dato di più di quello l'ha per lavorar a l'Arsenal di Candia al zorno mezo perpero di più; siehè l'habbi al zorno in tutto 24, et sia serito al rezimento di Candia fazi observar. Ave 150, 6, 0; et fo dato a li homeni certi danari et rimandata con letere indrio.

Fu posto, per li Savii tutti, excepto sier Antonio Trun procurator savio dil Consejo, qual non si volse impazar dicendo *publice* non vol meter questa stampa hessendo tanto numero di zentilhomeni da poter esser electi; hor messeno di elezer *de præsenti*, per scurtinio, uno Provedador a Corphù con ducati 120 al mexe per spexe, meni con se uno secretario e il suo fameio, et altri . . . a sue spese; possi esser eleto di ogni loco e officio, *etiam* di quelli è in rezimento e fosseno electi in alcun rezimento, et rimanendo li sia risolvà il suo primo rezimento; debbi risponder